



Broj: 02 -672 - 10/20
Datum: 03.06.2020.godine

Na osnovu člana 64. stav (1) tačka b), člana 70. st. (1), (3) i (6). Zakona o javnim nabavkama („Sl. glasnik BiH“, broj 39/14), u postupku javne nabavke radova – „Sanacija parking površine pored zgrade Merkur“ za potrebe Zavoda za zapošljavanje Brčko distrikta BiH, direktor Zavoda za zapošljavanje Brčko distrikta BiH, je donio

ODLUKU o izboru najpovoljnijeg ponuđača

Član 1.

(1) Prihvata se Preporuka Komisije za nabavku br.02-672-9/20 od 03.06.2020 godine i Ugovor za javnu nabavku radova – „Sanacija parking površine pored zgrade Merkur“ za potrebe Zavoda za zapošljavanje Brčko distrikta BiH, dodjeljuje se ponuđaču „, **Arapovac putevi“ doo Čelić** , za ponuđenu cijenu od 23.000,00 KM (bez PDV-a), kao najpovoljnijem ponuđaču.

Član 2.

(1) Izabrani ponuđač je dužan u roku od sedam (7) dana od dana zaprimanja obavještenja o rezultatima postupka javne nabavke dostaviti dokaze o ispunjavanju uslova koji se traže tenderskom dokumentacijom, a koji su propisani članom 45. stav 2. tačka od a) do d) Zakona o javnim nabavkama BiH.

(2)Ukoliko izabrani ponuđač ne dostavi traženu dokumentaciju u određenom roku, ili je dostavi na nepropisan i nepotpun način, ugovor za javnu nabavku će se dodijeliti drugorangiranom ponuđaču u skladu sa članom 72.stav (3) Zakona o javnim nabavkama

Član 3.

Prijedlog Ugovora o nabavci dostavit će se na potpis izabranom ponuđaču nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 4.

Ova Odluka objavit će se na internet stranici Zavoda za zapošljavanje Brčko (**www.zzzbrcko.org**), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. (6) Zakona o javnim nabavkama.

Član 5.

Za izvršenje ove Odluke zadužuje se i ovlašćuje Sektor za pravne i opće poslove, Zavoda za zapošljavanje Brčko distrikta BiH.

Član 6.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-672-2/20 od 13.05.2020 godine.

Javna nabavka je sprovedena: konkurentskim postupkom.

Procijenjena vrijednost javne nabavke bez PDV-a je **23.458,12 KM**.



Obavještenje o nabavci broj: 953-7-3-47-3-2/20, poslato je na objavljivanje dana 15.05.2020. godine, a objavljeno je na Portalu javnih nabavki dana 15.05.2020. godine u 10:47 h.

Komisija za nabavku imenovana je Odlukom, broj: 02-712/20 od 21.05.2020 godine.

Komisija za javnu nabavku dostavila je direktoru Zavoda Zapisnik o pregledu i ocjeni ponuda broj: 02-672-8/20 od 26.05.2020 godine koji je ujedno i Izvještaj o radu komisije, Preporuku o izboru najpovoljnijeg ponuđača broj: 02-672-9/20 od 06.03.2020. godine u postupku javne nabavke radova – „Sanacija parking površine pored zgrade Merkur“ za potrebe Zavoda za zapošljavanje Brčko distrikta BiH.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispijelih ponuda, te sprovedla postupak E-aukcije o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku primljene 4 ponude,
- da su blagovremeno primljene 4 ponude,
- da nije bilo neblagovremeno primljenih ponuda,
- da su ponude ponuđača „BIJELJINA PUT“ DOO BIJELJINA, Bajе Pivljanina 80 76 300 Bijeljina, „PAPILON“ DOO KORAJ – ČELIĆ, Abdulaha Kovačevićа 89, 75 246 Čelić, ARAPOVAC PUTEVI“ DOO ČELIĆ, Izeta Ahmetovića br. 62,75 246 Čelić „BIJELIĆ GRADNJA“ DOO OMERBEGOVAČA, Omerbegovača 188, 76 100 Brčko kvalifikovane i privatljive, dostavljeni su svi traženi dokazi propisani tenderskom dokumentacijom, na propisan način.
- da je Komisija zakazala E-aukciju dana 29.05.2020.godine u 12:00 časova sa trajanjem od 20 minuta,
- da je dana 29.05.2020.godine u 12:00 časova održana E-aukcija nakon koje je Agencija za javne nabavke BiH dostavila Izvještaj o toku i završetku E-aukcije.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, direktor Zavoda nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Rangiranje prihvatljivih ponuda prema kriterijumu za izbor ponude nakon sprovedene E-aukcije:

	Naziv/ime ponuđača	Ukupna cijena KM
1.	„ARAPOVAC PUTEVI“ DOO ČELIĆ, Izeta Ahmetovića br. 62,75 246 Čelić	23.000,00
2.	„BIJELJINA PUT“ DOO BIJELJINA, Bajе Pivljanina 80 76 300 Bijeljina	23.220,40
3.	„BIJELIĆ GRADNJA“ DOO OMERBEGOVAČA, Omerbegovača 188, 76 100 Brčko	32.561,60
4.	„PAPILON“ DOO KORAJ – ČELIĆ, Abdulaha Kovačevićа 89, 75 246 Čelić	40.869,00

Naziv ponuđača čija je ponuda ocijenjena kao kvalifikovana i povoljna:



1.	Naziv ponuđača	„Arapovac putevi“ doo
2.	Sjedište i adresa	Izeta Ahmetovića br. 62,75 246 Čelić
3.	Ukupna cijena ponude bez PDV-a	23.000,00
4.	Rok izvođenja radova	15 kalendarskih dana


Iz navedenih razloga, primjenom člana 64. stav (1) tačka a) Zakona o javnim nabavkama, člana 69. stav (2) tačka e) Zakona o javnim nabavkama, člana 70. stavovi (1), (3) i (6) Zakona o javnim nabavkama (Sl. Glasnik BiH broj: 39/14), člana 8. stav (2) tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 15 (petnaest) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Brčko, fra Šimuna Filipovića, br. 2.

Žalba se podnosi u najmanje 3 (tri) primjerka.



Direktor,

Vlado Jevtić, dipl.ecc

Dostaviti:

Ponuđačima:

1. „ARAPOVAC PUTEVI“ DOO ČELIĆ, Izeta Ahmetovića br. 62,75 246 Čelić
2. „BIJELJINA PUT“ DOO BIJELJINA, Bajе Pivljanina 80 76 300 Bijeljina
3. „BIJELIĆ GRADNJA“ DOO OMERBEGOVAČA, Omerbegovača 188, 76 100 Brčko
4. „PAPILON“ DOO KORAJ – ČELIĆ, Abdulaha Kovačevića 89, 75 246 Čelić
5. a/a